



ვის არ ეყოლება მერობის კანდიდატი ქუთაისში

პარტიების წინასაარჩევნო სამზადისი გრძელდება



ადგილობრივი თვითმმართველობის არჩევნებისთვის ქუთაისის პოლიტიკური სპექტრი აქტიურად ემზადება. თუმცა ჯერჯერობით ოფიციალური განცხადებების გაკეთებას მერის შესაძლო კანდიდატურასთან დაკავშირებით ან პარტიული სიის პირველი ათეულის შესახებ, მაინც ვერც ერთი და აცხადებენ, რომ ამ ეტაპზე კონსულტაციების რეჟიმში მიმდინარეობს მუშაობა. რაც შეეხება ხელდას, ქუთაისის განვითარების შესახებ, ისინი თავიანთ პროგრამებში წარმოადგენენ. ჩვენ გაზეთის წინა ნომერში გაიმხეთ რამდენიმე პარტიის წინასაარჩევნო სამზადისის შესახებ. ამჟამადც ვაგრძელებთ პარტიების ქუთაისური ოფისების წინასაარჩევნო საქმიანობის გაცნობას:

თავისუფალი დემოკრატების ქუთაისის ოფისის ჯერჯერობით ქალაქის მერის კანდიდატურა არ დაუსახელებია, თუმცა, პარტიის წარმომადგენლები ირწმუნებიან, რომ თავისუფალ დემოკრატებს ქუთაისის მერობის კანდიდატი აუცილებლად ეყოლებათ.

თავისუფალი დემოკრატების ერთ-ერთი ლიდერი გოგი წულაია ჩვენთან საუბარში აცხადებს: „ჩვენ ველოდებით იმ ცვლილებას, რომელიც ითვალისწინებს, ქალაქის მერად დასახელებული პირი იყოს პარტიულ სიაშიც პირველი. ასეთ შემთხვევაში, დიდი ალბათობით მე ვიქნები დასახელებული. რაც შეეხება, ჩვენს ქუთაისში დიდი ფულადი და ადამიანური რესურსი არ გვაქვს. თუმცა, არსებობენ ადამიანები, რომლებიც პარტიული სიის პირველ ათეულში მოაზრებიან. აქვე გეტყვით, რომ ეს საკითხებიც კონსულტაციების ეტაპზეა. რაც შეეხება, ჩვენს სამომავლო გეგმებს ქალაქთან მიმართებაში, მის თვითმმართველის სტატუსის და ფუნქციურ შენარჩუნებას ეხება. ამ ქალაქის მთავარი პრობლემა ის არის დღეს, რომ არ ყავს თვითმმართველობა და რაც გვყავს, ეს ბუტაფორიაა. მე ვიბრძობე იმისათვის, რომ ქუთაისი იყოს დამოუკიდებელი და შეძლოს, თავად განკარგოს შემოსავალიც და გასაგალიც. ქუთაისი იყო პირველი ქალაქი ამ ქვეყანაში და სამათხოვრო არაფერი არ აქვს, ის ხელგაწვდილი არ უნდა ითხოვდეს ცენტრალური

ხელისუფლებიდან დამატებით თანხებს. ქუთაისი უნდა გახდეს ისეთი თვითმმართველი ქალაქი, რომ თითოეულმა ქუთაისელმა ღირსეულად თქვას - მე ვარ ქუთაისელი!“

ჯერჯერობით აზრთა შეჯერება და კონსულტაციები მიმდინარეობს **მმართველ პარტიაშიც**. ჯერ ოფიციალურად არ დაუსახელებიათ კანდიდატი, ვინც ქუთაისის მერობისთვის იბრძობებს. როგორც პარტიაში აცხადებენ, ეს აგვისტოს დასაწყისში გახდება ცნობილი. პარტია „ქართული ოცნება-დემოკრატიული საქართველოს“ ქუთაისის ორგანიზაციის თავმჯდომარე გიორგი ჭილაძე ამბობს: „ნუ გავასწრებთ მოვლენებს და დაველოდოთ ოფიციალურ წარდგენას. სიასთან დაკავშირებით კი მიმდინარეობს სამუშაო პროცესი და საგარეულოდ, მათი ვინაობა ცნობილი გახდება კანდიდატის დასახელების შემდეგ. გეტყვით, რომ პარტია „ქართული ოცნების“ კანდიდატი ორიენტირებული იქნება ქალაქის განვითარებაზე და ხალხის კეთილდღეობაზე.“

“რესპუბლიკური პარტიის“ ქუთაისის ოფისში, როგორც პარტიის წევრი გიორგი ხურციძე აცხადებს, ამ ეტაპზე გუნდთან ერთად მიმდინარეობს აღნიშნული საკითხების განხილვა.

ადგილობრივი თვითმმართველობის არჩევნებისთვის ემზადებიან **მრეწველებიც**. ქუთაისში ისინი კვლავ „ქართულ ოცნებასთან“ ერთად გაერთიანდებიან და დამოუკიდებელ კანდიდატს მერის თანამდებობის დასაკავებლად არ დაასახელებენ. ამ ფაქტს ადასტურებს ფრაქცია მრეწველების წარმომადგენელი ქუთაისის საკრებულოში ვიქტორ დოლიძე. ის ამბობს, რომ მათ მერობის დამოუკიდებელი კანდიდატი არ ეყოლებათ. ხოლო რაც შეეხება პარტიული სიის ათეულს, არც ამ სიას განიხილავენ აქტიურად, რადგან ისინი მმართველ პარტიასთან ერთად მოიარებიან. საგარეულოდ, „ქართული ოცნების“ პირველ ათეულში ერთ-ერთი მრეწველების კანდიდატიც იქნება შესული. თუმცა ქალაქის განვითარების ხელდა მრეწველებს მმართველი პარტიისგან განსხვავებული აქვთ. „განსხვავებულია საკრებულოშიც ჩვენი ხელდა და არის აზრთა ჭიდილი გარკვეულ საკითხებთან დაკავშირებით, მაგრამ ჩვენ ვცდილობთ, შევჯეროთ საკითხები. ვმსჯელობთ და გავდივართ კონსულტაციებს. ჩვენ საკრებულოს სხდომებზე ბევრს არ ვსაუბრობთ, მაგრამ ეს იმას არ ნიშნავს, რომ ყველა საკითხში ვეთანხმებით მმართველ გუნდს“ - აცხადებს ვიქტორ დოლიძე.

არც პარტიული სიის პირველი ათეული და არც მყოფი პარტიები ჯერ არ შეუჩვენებიათ **ბურჯანაძე დემოკრატებს**. საბოლოო გადაწყვეტილება, საგარეულოდ, სექტემბრამდე არ იქნება გარკვეული. პარტიის ქუთაისის ოფისის ხელმძღვანელი დავით წიტიანიშვილი კანდიდატების სანდობაზე ამხვილებს ყურადღებას. „ვცდებით, შევარჩიოთ ისეთი კანდიდატები, ვისაც კვალი გაუვლია ქუთაისის მშენებლობაში და ენდობა მოსახლეობა,

გავცეთ ისეთი დაპირებები, რაც შესრულებადია და გამოადგება ქალაქს: - ქალაქის სტატუსის განსაზღვრა, რაც, სამწუხაროდ, ვერცერთმა ხელისუფლებამ ვერ მოახერხა, სამუშაო ადგილების შექმნა იმ მცირე საწარმოების სახით, რაც სოფლის მეურნეობის პროდუქტების გადამამუშავებასთან იქნება დაკავშირებული, თავისივე სასაწყობე მეურნეობებით, რაც უნდა განთავსდეს ქუთაისში, იმერეთის სოფლის პროდუქტებისათვის, ტურისტების უფრო ფართო მასშტაბების ხელშეწყობა, რისთვისაც ინფრასტრუქტურის აუცილებლად და დროულად მოწოდებაა საჭირო, რეალური თვითმმართველობის ამოქმედება და სახელმწიფო ბიუჯეტის გონივრულად, რაციონალურად ხარჯვა.“

არსებული ვითარებიდან გამომდინარე, პოლიტიკურად ცხელი აგვისტო ელოდება პოლიტიკური პარტიების რეგიონულ ოფისებს. საარჩევნო ვადებიდან გამომდინარე, მათ ამ დროისთვის უნდა დაარეგისტრირონ ქუთაისის მერობის კანდიდატები, მყოფი პარტიები და შესაბამისად, პარტიული სიის პირველი ათეულიც უნდა დაასახელონ.

მარი ტაბიძე

PS news.ge
ISSN 1987-7056
9 7 7 1 9 8 7 7 0 5 0 0 4

ქუთაისელი მედიკოსები ნათელა ციბაძის სამოქმედო ალგორითმთან

უკვე მეორე წელია, ქუთაისში 8 ივლისს მედიკოსთა პროფესიული დღე აღინიშნება. წელს ამ დღისადმი მიძღვნილი ღონისძიება ქალაქის ბოტანიკურ ბაღში გაიმართა. შეხვედრას ესწრებოდნენ მერიისა და გუბერნიის, ასევე, მოქმედი კლინიკების წარმომადგენლები. მოწვეულ სტუმრებს სიტყვით მიმართა იმერეთის გუბერნატორმა გივი ჭიჭინაძემ, ქუთაისის მერმა შოთა მურღულიამ და სხვებმა.

მედიკოსთა პროფესიულ დღესასწაულთან დაკავშირებით, ჯანმრთელობის დაცვის საქმეში შეტანილი განსაკუთრებული წვლილისათვისა და ამ სფეროში წლების მანძილზე გაწეული ნაყოფიერი მოღვაწეობისათვის ღვაწლმოსილი ქუთაისელის საპატიო სიგელები გადაეცათ ცნობილ ექიმებს: ბადრი ალფაძეს, ოთარ მეტრეველს, ვახტანგ დანელიას, დავით ჭაჭიშვილს, ვერა ნოდარს, თენგიზ ლოპუანიძეს, გიორგი ბერეკაშვილს, მედეა კვარაცხელიას, ბორის ჩაკვეტაძეს, ანალო მარგველაშვილს, ნანა ძიძიგურს, შოთა ბოლოკიას, დარეჯან დედიაძეს, ამირან კობახიძეს და მანანა კობულაშვილს. ქუთაისის საპატიო მოქალაქის წოდება მიენიჭა სამ ექიმს: მადელი ჩხობაძეს, თემურ ნადირაძესა და ლერი ხონელიძეს.

გულისა ჩაჩავა — ბავშვთა სტომატოლოგიური პოლიკლინიკის მთავარი ექიმი; უცნობი; თამარ სულაქელიძე — სანეპიდსადგურის მთავარი ექიმი; ლეილა შათირიშვილი — ბავშვთა მეორე პოლიკლინიკის მთავარი ექიმი. მეორე რიგში, მარცხნიდან: ფიზიოთერაპიული საავადმყოფოს განყოფილების გამგე, გვარი უცნობი; ბავშვთა ინფექციური საავადმყოფოს მთავარი ექიმი, გვარი უცნობი; გენადი ჩირაძე — ბავშვთა №1 პოლიკლინიკის მთავარი ექიმი; ბესო ფიჩხაძე — №1 საავადმყოფოს ნევროპათოლოგი; ალექსანდრე (სამა) კვიციანიძე ქალაქის მთავარი რენტგენოლოგი; იოსებ (სოსო) გელოვანი — ქალაქის მთავარი ვინეკოლოგი; შოთა დანელია — №1 საავადმყოფოს მთავარი ექიმი, ყოფილი ჯანგანის გამგე; კოტე გეგელაშვილი — ქალაქის მთავარი ნევროპათოლოგი; ოთარ ჩხობაძე-ავტოქარხნის მედსანაწილის მთავარი ექიმი; მიხეილ (მიშა) კეთილაძე — №1 საავადმყოფოს ქირურგიული განყოფილების გამგე.

ვულოცავ თითოეულ მათგანს და მინდა ამ დღეს გამოვხეხაყრო ჩემს საოჯახო ალბომში დაცული რამდენიმე ფოტოსურათით. ისინი ეკუთვნის დედას, 86 წლის ნათელა ციბაძეს, რომელიც დღესაც სიამოვნებით იკონებს გარდასულ წლებს, როცა ექიმთა მრავალათასიანი კოლექტივი თავდაუზოგავად ემსახურებოდა და ქალაქის მოსახლეობას, მუშა-მოსამსახურეებს. დარწმუნებული ვარ, მათი გვარსახელების ჩამოთვლაც კი, ბევრს გაახსენებს მათ მოღვაწეობას, პროფესიონალიზმს, აღმინობას, კეთილ საქმეებს. მათ ხომ წარუშლელი კვალი დატოვეს ქალაქის სამედიცინო სფეროს განვითარებაში. დღეს ყველა მათგანი ქუთაისის მედიცინის ისტორიის ნაწილი და კუთვნილებია.

მეორე სურათზე, სხედან, მარცხნიდან: ნათელა ციბაძე, მარი ლომთაძე, მიშა კეთილაძე, ოთარ ჩხობაძე, ლეილა შათირიშვილი, ლილი მელაძე — კლინიკური საავადმყოფოს მთავარი ექიმი. დგანან, მარცხნიდან: მეორე ძიძუაშვილი — სასწრაფო სამედიცინა მარტვილი მთავარი ექიმი; გენადი ჩირაძე; ფიზიოთერაპიული საავადმყოფოს განყოფილების გამგე, გვარი უცნობი; შოთა დანელია, ბესო ფიჩხაძე, გულისა ჩაჩავა.

მესამე სურათზე (10. 08. 1973) ალბექლინი არიან, მარცხნიდან: თამარ კახიანი, თერაპევტი; ნიკოლოზ ნაცვლიშვილი — №3 პოლიკლინიკის მთავარი ექიმი; თინა ჭუმბურიძე, თერაპევტი; ნათელა ციბაძე, №3 პოლიკლინიკის თერაპიული განყოფილების გამგე.

მეოთხე სურათზე (07. 03. 1974), მარცხნიდან: გულნარა ნადარეიშვილი, თერაპევტი; ნიკოლოზ ნაცვლიშვილი; ნათელა ციბაძე.

ქათაპან ბახუბაშვილი



სურათი 1



სურათი 2



სურათი 3



სურათი 4

NDI-ის დელეგაცია საქართველოში ადგილობრივი თვითმმართველობის არჩევნებისთვის მზადების პროცესს შეაფასებს

ეროვნულ-დემოკრატიულმა ინსტიტუტმა (NDI), საქართველოში ოქტომბერში დანიშნულ ადგილობრივი თვითმმართველობის არჩევნებზე დასაკვირვებლად, საერთაშორისო სადამკვირვებლო დელეგაციის ჩამოსვლის შესახებ განაცხადა. დელეგაციის ვიზიტის მიზანი საქართველოში დემოკრატიული პროცესებისადმი საერთაშორისო საზოგადოების მხარდაჭერის დემონსტრირება და საარჩევნო პროცესებისადმი საზოგადოების ნდობის განმტკიცებაა.

დელეგაციის წევრები, რომლებმაც უკვე დაიწყეს თბილისში შეხვედრების გამართვა, არიან: იანუშ ონიშკევიჩი, პოლონეთის ყოფილი თავდაცვის მინისტრი და პოლონეთის პარლამენტის ყოფილი წევრი; დევიდ კრამერი, აშშ-ის სახელმწიფო მდივნის ყოფილი თანაშემწე დემოკრატიის, ადამიანის უფლებების და შრომის მიმართულ დარგებში; ქეთრინ ნუნ, ირლანდიის პარლამენტის ზედა პალატის თავმჯდომარის მოადგილე და ბავშვთა და ახალგაზრდობის საკითხთა წარმომადგენელი; ლორა თორნტონი, NDI-ის ოფისის ხელმძღვანელი საქართველოში; მარია ბაბიჩი, დამოუკიდებელი საარჩევნო ექსპერტი; მელისა მუსიო, NDI-ის პროგრამების უფროსი მენეჯერი საქართველოში, თურქეთსა და ცენტრალურ აზიაში და მაიკლ მაკნოლტი, NDI-ის არჩევნები და პოლიტიკური პროცესების პროგრამების უფროსი მენეჯერი.

17-21 ივლისის პერიოდში, ხელისუფლებასთან, საარჩევნო კანდიდატებთან, პოლიტიკური პარტიის ლიდერებთან, საარჩევნო ადმინისტრაციის, მედიის, სამოქალაქო სექტორისა და საერთაშორისო ორგანიზაციების წარმომადგენლებთან შეხვედრებს შედეგად დელეგაცია არჩევნებისთვის მზადდება, საარჩევნო პროცესის ძირითადი სუბიექტების პოლიტიკურ აქტივობებსა და ზოგადად საარჩევნო გარემოს შეაფასებს. NDI-ის საერთაშორისო სადამკვირვებლო მისია საქმიანობას მიუყვართებლად, პროფესიონალურად და საქართველოს კანონმდებლობისა და არჩევნებზე საერთაშორისო დამკვირვების პრინციპების შესაბამისად განახორციელებს.

21 ივლისს, NDI-ის დელეგაცია წინასწარჩევნო გარემოს შეაფასებს ძირითად დასკვნებსა და რეკომენდაციებს პრეს-კონფერენციაზე გამოაქვეყნებს. ანგარიშის გამოქვეყნებამდე დელეგაცია მედიასთან კომენტარს არ გააკეთებს. სადამკვირვებლო დელეგაციის "ეროვნული წვლილი დემოკრატიისთვის" (NED) და აშშ-ის საერთაშორისო განვითარების სააგენტო (USAID) აფინანსებს.

ფეხბურთში 19 წლამდელთა ევროპის ჩემპიონობა ინგლისმა მოიპოვა

ფეხბურთში 19 წლამდელთა ევროპის ჩემპიონატი, რომელც საქართველოში მიმდინარეობდა, დასრულდა. ფინალური შეხვედრა გორის თენგიზ ბურჯანაძის სახელობის სტადიონზე, ინგლისისა და პორტუგალიის ნაკრებებს შორის შედგა. მატჩი ინგლისის 19-წლამდე საფეხბურთო ნაკრებმა პორტუგალიასთან 2:1 მოიგო და ამ ასაკობრე ჯგუფში ჩემპიონობა პირველად მოიპოვა. შეხვედრა გორში ანშლაგით ჩატარდა და მატჩს 4 100 გულშემატკივარი დაესწრო.

მართალია, პორტუგალიასა და ინგლისის შორის გამართული მატჩი ინგლისის ნაკრებმა მოიგო, მაგრამ პორტუგალიასაც არ უნდა დაუკარგოთ კარგი თამაში. იგი ტოლსწორად ეთამაშა მეტოქეს. შეხვედრა ორიმხრივ შეტევებში მიმდინარეობდა და ორივე გუნდის მონდომება შესამჩნევ იყო, თუმცა როგორც აღმოჩნდა, 15 ივლისს შეხვედრაში ძლიერი ინგლისი იყო. ანგარიში ინგლისელთა ცენტრალურმა მცველმა სულომანმა 50 წუთზე გახსნა. თუმცა ექვსიოდე წუთში ანგარიში პორტუგალიელებმა გაათანაბრეს ინგლისელი სტერლინგის

წყალობით, რომელმაც ავტოგოლი შეაგდო. ხოლო 88 წუთზე ანგარიში 2-1 ნმეჩამ დაადიქსირა, რომელიც, როგორც აღმოჩნდა, საბოლოო გოლი იყო ამ შეხვედრაში. უნდა აღინიშნოს რომ პორტუგალიელები არ გატყდნენ და ბოლო ძალებიც მოიკრიბეს, რომ არა ინგლისელთა კიპერის ოსტატობა, 90 წუთზე ანგარიში აუცილებლად გაათანაბრდებოდა. ამრიგად, ინგლისის ნაკრებმა ამ ტურნირზე ორი ფინალური შეხვედრის წაგების შემდეგ მესამე ფინალში გაიმარჯვა და გაჩემპიონდა, რაც მისი პირველი ჩემპიონობაა. ასევე

პორტუგალია სამჯერ დამარცხდა ამ ტურნირის ფინალში. რაც შეეხება საქართველოს ნაკრებს, ჯგუფურ ეტაპზე შევედითან მოგებული მატჩით, ქულების რაოდენობითა და ბურთების შეფარდებით რვა მონაწილეს ნაკრებს შორის მეხუთე ადგილი დაიკავა.

შეხვედრის დასრულების შემდეგ დაჯილდოების ცერემონია გაიმართა, რომელშიც უფას ვიცე-გენერალური მდივანი კლაუდო მარკეტი, საქართველოს ფეხბურთის ფედერაციის პრეზიდენტი ლევან კობიაშვილი და ევროპის ჩემპიონატის ელჩი ზურაბ ხიზანიშვილი მონაწილეობდნენ.

საქართველო ევროპის 19-წლამდე საფეხბურთო ნაკრებთა ჩემპიონატს 2 ივლისიდან 15 ივლისის ჩათვლით მასპინძლობდა. საუკეთესოს ტიტულს



ლისთვის, მასპინძელი საქართველოს ნაკრების გარდა, ინგლისის, პორტუგალიის, ჩეხეთის, გერმანიის, პოლონდიის, ბულგარეთისა და შვედეთის გუნდები მონაწილეობდნენ.

19-წლამდე ჩემპიონატზე, დასწრების რეკორდი საქართველო - ჩეხეთის მატჩზე დაფიქსირდა. მიხეილ მესხის სახელობის სტადიონზე შეხვედრას 25 000 გულშემატკივარი დაესწრო.

საქართველოში გამართულ ევროპის

ზურაბ დათუაშვილი

ლილა ენაძე:

„მუსიკა აზროვნებაა, როგორც უკრავ, ისე აზროვნებ“

„მუსიკა არის კაცობრიობის საუკეთესო ენა.“
ჰენრი უოდსოუორთ ლონგფელიო

მუსიკა აქტიურად ზემოქმედებს ადამიანის ფსიქიკაზე. მუსიკის შექმნის კონკრეტულად და დამაჯერებლად გადმოსცეს ემოციური მდგომარეობა. ის გრძნობათა განზოგადებულ იდეებს გამოხატავს. და მაინც რა არის მუსიკა? - ალბათ, ამ კითხვებზე ყოველი ადამიანი სხვადასხვანაირად გვიპასუხებს, რადგან მუსიკა თითოეული ჩვენთვის ცხოვრების ნაწილია. ცხოვრება და მისი თანმდევი სირთულეები ყველას ჩვენი გვაქვს, ინდივიდუალური. ამიტომ, რომ მუსიკა ყველასათვის სხვადასხვა რამაა, თუმცა ის ჩვენი ცხოვრების განუყოფელი ნაწილია.

თავად ეამბა ჩვენთვის მისი პირველი ნაბიჯებისა და წარმატებების შესახებ.

— ლილე, გვიამბე, როგორი იყო შენი კარიერის დასაწყისი?

— ყველაფერი დაიწყო ბავშვობაში. დედამ შეამჩნია, რომ მუსიკისადმი განსაკუთრებული დამოკიდებულება მქონდა. მაშინ მოსკოვში ვცხოვრობდით და პირველი კონცერტიც იქ მქონდა 3 წლის ასაკში, ვმღეროდი. შემდეგ ჩამოვედი საქართველოში და 7 წლის ასაკში ჩავირიცხე ცენტრალურ საშუალო სასწავლებელში, საფორტეპიანოზე. პედაგოგში ძალიან გამომართლა და ამიტომ მეხუთეკლასელმა უკვე გადაჭრით ვიცოდი, რომ ამ გზას უნდა გავყოლოდი.

— ვინ იყო შენი პირველი ფორტეპიანოს მასწავლებელი?

— ჩემი უსაყვარლესი პედაგოგი, რომელიც 11 წელი მზრდიდა, ქალბატონი ლევა კანკაია. ყველასთვის საპატივცემულო, მისაბაძი და საყვარელი პიროვნებაა. ის დიდი პედაგოგია, რომელმაც ფორტეპიანოს გარდა, ძალიან ბევრი რამ მასწავლა და რაც მთავარია, გზა დამანახა, რომელზეც გასული ვარ უკვე. არ დამავიწყდება, როგორი სიამოვნებით ვმუშაობდით, როგორ არ ზოგავდა თავს და მეც, რა თქმა უნდა. ყოველი გაკვეთილი შემოქმედებითი ზეიმი იყო. მინდა, წარმატებები ვუსურვო მთელი გულით მას და მის მოსწავლეებს.

— პირველი ემოცია და განცდა თუ გახსოვს, როდესაც აუდიტორიის წინაშე წარსდგე?

— ძალიან პატარა ვიყავი და ამიტომ არ მახსოვს. ალბათ, ვიდელები. თუმცა დღეს დედას ვაჩვენებ მაწუხებს სცენაზე გასვლის წინ.

— ლილე, მაინც რა არის შენთვის მუსიკა?

— ძალიან მოკლედ ვეტყვი - ღმერთი, რომელსაც უნდა ვემსახურო და სულიერი საზრდო მივიღო, ნაცვლად მსახურებისა. მუსიკა აზროვნებაა. როგორც უკრავ, ისე აზროვნებ.



ლილა ენაძე

— როგორ ფიქრობ, არის თუ არა კოსმიური სამყაროსა და მუსიკის შორის კავშირი?

— რა თქმა უნდა, არის. მეტიც, არამარტო კოსმიურ, არამედ მთლიან სამყაროსთანაა კავშირი. მუსიკა ყველგანაა, ყველაში და ყველაფერში. მისი შექმნის პროცესი ზებუნებრივი პროცესია. არ შეიძლება, ასწავლო, როგორ იგრძნოს და შექმნას მუსიკა ადამიანმა. ეს ღმერთის ჩარევით ხდება.

— ვინ არის შენი საყვარელი კომპოზიტორი?

— არ მიყვარს ეს კითხვა, თუმცა

მაინც მეკითხებიან. ყველა კომპოზიტორში არის რაღაც შესაყვარებელი. თუმცა, მოცარტს, შოპენს, შუმანის და სკრიაბინის დავასახელებ. სხვა დროს რომ შემეკითხოთ იგივე, განსხვავებულად ვიპასუხებთ, დარწმუნებული ვარ.

— შენს დარგში ქართველი შემსრულებლებიდან ვინმეს გამოყოფდი?

— ქართველი ერი ძალიან ნიჭიერი ერია. არც ამ დარგში ჩამოვუვარდებით ვინმეს და ძალიან კარგი თაობა იზრდება დღეს. დიდი შემსრულებლებიდან, რა თქმა უნდა, ელისო ვირსალაძეს დავასახელებდი.

— საინტერესო ადამიანებთან ურთიერთობის ეპიზოდებს ხომ არ გაიხსენებდი?

— მახსოვს არაჩვეულებრივი მასტერკლასები ხატია ბუნიათაშვილთან, ედიშერ რუსიშვილთან, ედიშერ სავიციასთან, ვალერიან შიუქაშვილთან, ელისო ბოლქვაძესთან, უცხოელ პროფესორებთან... ჩემთვის ყველაზე მნიშვნელოვანი მაინც გულწრფელი ემოციაა, რომლის შეცნობაც, ვფიქრობ, არ შეუძლება. გაიხსენებდი შვედეთში დამგობრებულ ფაუტურების ოჯახს. ასევე - იქაურ პროფესორებს, რომლებიც იქ დარჩენას და სწავლას მთავაზობდნენ. და კიდევ უამრავი ბენდიერი სახე... მიყვარს ეს მომენტები.

— როგორც ვიცი, სხვა გატაცებაც გაქვს, წერ ჩანახატებს...

— ჩემს ჩანახატებს სხვა უფრო სერიოზულად უყურებს, ვიდრე - მე. ეს ჩემთვის, უბრალოდ, გასართობია. მიყვარს თეატრი, მხატვრობა, პოეზია და რაც არ უნდა გასაკვირი იყოს, ყოველთვის მინდოდა მსახიობობა.

— ნიუ-იორკიდან როგორ მიიღე მოწვევა? სად აღმოგაჩინეს?

— ვინაიდან კონკურსებზე ხშირად მიწვევს გასვლა, ამერიკიდან მოწვევაც მისი ერთ-ერთი შედეგია. კონკურსის სათავეში გამოჩენილი ქართველი პიანისტი ვალერიან შიუქაშვილი იღვა. დანამდვილებით არ ვიცი, როდის წავალ მანჰეტენზე სასწავლებლად. ვფიქრობ, კონსერვატორია დავამთავრო და შემდეგ დავიწყო ფიქრი ამაზე. ძალიან რთულია ოკეანეს მიღმა მარტომ იცხოვრო და გაუძღვე ყველაფერს, თუმცა დარწმუნებული ვარ, რომ ამის დროც მოვა.

— სხვა, უახლოესი სამომავლო გეგმები როგორია?

— ბუნებრივია, ვაპირებ კონცერტებზე და კონკურსებზე გასვლას. სამუშაო ბევრი და ძნელია, მაგრამ სასიამოვნო.

— დიდი მადლობა, ლილე, საუბრისთვის. წარმატებებს გისურვებ.

— მადლობა თქვენ.

ესაუბრა ნატო ყურაშვილი

საბას ფინანსტიკის ვინაობა ცნობილია

ლიტერატურული კონკურსის "საბა" ჟიურიმ წლებიდან კონკურსის ფინალისტები დაასახელა. 300 კონკურსანტიდან ფინალურ ეტაპზე 47 წიგნი შეირჩა.

ფინანსტიკა

წლის საუკეთესო რომანი აბო იაშალაშვილი-„ძველი ტფილისის დამნაშავენი“ (გამომცემლობა „ქოლგა“)

წლის საუკეთესო პროზაული კრებული რეზო თაბუჯაშვილი, „მესამე თვალი“ (გამომცემლობა „ინტელექტი“)

წლის საუკეთესო პოეტური კრებული ლელა ცუცქერიძე, „წარმოდგინე, ელისაბედ“ (გამომცემლობა „საუნჯე“)

წლის საუკეთესო ლიტერატურული დებიუტი გურანდა ფაჩულია, ჟოზე ლუიმ პეიშოტუს "გალვეიაში" (ბაკურ სულაკაურის გამომცემლობა)

წლის საუკეთესო ესეისტიკა და დოკუმენტური პროზა გელა ჩარკვიანი, „ნაცნობ ქიმერათა ფერხული“ (გამომცემლობა „ინტელექტი“)

დათო ქარდავა, „მტაცებლები ურბანულ გარემოში“ (გამომცემლობა „ინტელექტი“) ზურაბ კიკნაძე, „ხასილური სიბრძნე“ (გამომცემლობა „ინტელექტი“) ლევან ბერძენიშვილი, „წიგნიერების

ევოლუცია“ (გამომცემლობა „არტანუჯი“)

წლის საუკეთესო თარგმანი ლანა კალანდია, მარიო ვარგას ლიოსას „ვაცის ნადიმი“ (გამომცემლობა „ინტელექტი“)

ლელა დუმბაძე, ჰარპერ ლის "მიდი, დაყენე დარაჯი" (ბაკურ სულაკაურის გამომცემლობა) მანანა ლარიბაშვილი, რომაული ლირიკის მწვერვალები (გამომცემლობა „ლოგოსი“)